

Wañuypas manañam chaypiqa kanqañachu. Churinkunaqa wiñaypaqmi Señorwan kawsakusun. Llakikuypas, nanaypas, ima sasachakuypas chaypiqa tukurunñam, onqoywan wañuypas manañam chaypiqa kanñachu.



19

Chaypi kaqkunaqa lliwmi Dioswan kuisisqa kawsakuchkanku. Hanaq pachaqa qarimanta warmimanta kaspapas llapallan runakunapaqmi. Warmakunapas hatun runakunapas yaykuytaqa atinmankum. Chaypaqmi paykuna Jesusta salvaqninkupaq chaskispa paypi iñikunanku.



20

Hanaq pachapim tarikun Diospa Churinpa libron. Sutinmi kawsay qellqa. Chay librom runakunapa sutinwan huntarisqa tarikun. ¿Yaqachu yachanki ima sutikunam chaypi qellqasqa kasqanta? Chaypiqa qellqasqa kachkan Cristopi iñikuqkunapa sutinkum.

¿Yaqachu sutiki chay libropi tarikuchkan icha manachu?




21

Chuya Qellqam hanaq pachamanta willakuyinpa tukupayninpi, llapallan runata qayaspan nin: Chuya Espirituwan Cristopa esposanmi nin: ¡HAMUYCHIK! nispa.



22

Hanaq pachaqa Diospa yachakunan ancha sumaq wasim



Lliw uyariqkunapas kaynatayá nichunku: ¡HAMUYCHIK! nispa. Pipas yakunayasqa kaspapaq hamuspaya kawsachikuq yakutayá mana imallapaq tomachun, nispa.



23

Hanaq pachaqa Diospa yachakunan ancha sumaq wasim

Kay willakuyqa Diospa siminpa utaq Chuya Qellqapa partenmi

Kay willakuyi tarikun

Juan 14, 2 Corintios 5, Apocalipsis 4, 21, 22

"Simikimanta yachachikuykunaqa achkirinmi." Salmo pachak chunka isqonniyuq rakinpa pachak kimsachunkan patachaynin

Kaytam qellqaykamurqa Edward Hughes Dibujonkunatam ruwaykamurqa Lazarus

Siminchikmanmi tikraykamurqa Hugo Garay Auccpuclla Warmakunapaq hinam tupaykachimurqa Sarah S.

Soqtachunkamanta soqtachunka kaq willakuy

M1914.org

Bible for Children, PO Box 3, Winnipeg MB R3C 2G1 Canada

Autorizasqam kankichik kay yachachikuykunata mirachispa hukkunaman chayachinaykichikpaq, ichaqa manam imaraykupas rantikuwaqchikchu.

Diosqa yachanmi mana allinkuna ruwaq kasqanchikta, chaykunatam "hucha" nispa sutichan. Huchallikuq runaqa wañuywan castigasqam kanqa.

Diosqa ancha-anchatam kuyawanchik, chayraykum churin Jesusta kachamurqa, chaynapi huchanchikmanta castigasqa kanachikta cruzpi wañuspan pagananaq. Jesusqa wañusqanmanta kawsariramuspanmi hanaq pachaman kutikurqa. Payraykum huchanchikkunata Dios pampachawanchik.

Sichum huchaykikuna qepanchayta munaspaqa Diosta kaynata mañakuy: Dios Taytallay, Jesusmi ñoqarayku wañurqa, wañusqanmanta kawsariramuspanmi kunanqa wiñaypaq kawsakuchkan. Mañakuykim kawsayniyman yaykuykamuspa huchaykunata pampachaykunaykipaq, chaynapi musoq kawsayniyuqña kaspay qanwan wiñaypaq kawsakunaypaq. Churiki hina kawsanaypaq yanaykuway. Amén. Juan 3:16

Kunanqa Diospa churiniñam kanki, chaynaqa Chuya Qellqatayá qatipay hinaspa paywan sapa punchaw parlay.

Ayacucho

Quechua

Jesumi kay pachapiraq kachkaspan, discipulonkunaman imaynam hanaq pacha kasqanmanta willaspan nirqa: "Taytaya yachanan wasi", nispan. Chaypiqa achkallañas yachanapaq sumaq wasikuna kachkan. Kay pachapi imapas kuyayllapaq kaqkunamantaqa,



hanaq pachaqa aswan anchapas sumaqmi.

1

Jesumi nirqa: "kutispaymi qamkunapaq wasita allichamusaq, allicharamuspaymi kutimuspay ñoqapa kasqayman pusasqaykichik" nispan. Jesusqa wañusqanmanta kawsariramuspanmi hanaq pachaman kutikurqa. Discipulonkuna qawachkaptinkum hanaq pachaman apasqa karqa, hinachkaptinmi puyu pampaykurqa,

chaymi manaña rikurqakuchu.



2

Chay punchawmanta qepamanmi, llapallan iñiqninkuna pusawananchikpaq Jesupa kutimunanta suyachkanchik. Jesusmi nirqa "mana musyasqaykichik punchawtam qonqayta kutimusaq" nispan. Chaynaqa éimataq pasakunqa manaraq Jesús kutimuchkaptin wañukuqkunawan? Chuya Qellqam nin, paykunaga Jesupa qayllanmanña pasakusqankuta.


Dioswan kawsakuy

Aycha kuerpota saqeyqa Jesupa kasqanmanña ripukuymi.




3

Chuya Qellqapa tukupaynipi tariquq Apocalipsis librom willakun hanaq pachaqa anchapas kuyayllapaq kasqanta. May kaspapas chay sumaq wasim Diosqa yachakunan wasi. Diosqa enteronpim tarikun, chaywanpas tiyanan tronon hanaq pachapi tarikun.




4

Hanaq pachapiqa angelkunawan tukuy unanchasqa kaqkunam Diosta hatunchachkanku. Diospa churinkunamanta wañukuspanku hanaq pachamanña ripukuy runakunapas Diostañam chaypi yupaychachkanku.



5


Diostaqa tukuy rikchaq sumaq takikunawanmi yupaychachkanku. Apocalipsismi pichqa kaq rakinpa isqon kaq patachaynipi, chaypi takisqanku takimanta hukta willawaspanchik nin:



6


IMAYNA HATUNMI KANKI, ... MAY LLAQTAYUQÑA, IMA RIMAYNIYUQÑA KAPTIYKUPAS YAWARNIKIWANMI DIOSPAQ RANTIRUWANKIKU, CHAYNATAM DIOSPA REYNINKUNAÑA CHAYNATAQ SACERDOTENKUNAÑA KANAYKUPAQ

CHURAYKUWANKIKU! nispan.



7


Chuya Qellqapa tukupayn willakuykunam hanaq pachata sutichan "Musoq Jerusalén" nispan. Chayqa hatu-hatu llaqtam, perqankunapas ancha hatunmi.



8


Perqankunapas anchapas achkirichkaq jaspe rumikunawan perqasqam kachkan, perqanpa cimientonkunapas ancha kuyayllapaq alhaja rumikunawan hatarichisqam kachkan, chaykunam kuyayllapaqta llipipichkan. Punkunkunapas

chulla perlasllamanta ruwasqakamam, nispan.



9

Chay perlasmanta ruwasqa hatun punkunaga manam haykapipas wichqakunchu. Chaynaqa yaykuykuspaya qawaykusun: Hanaq pachaqa yaykuykuptinchikqa anchapas admirakuypaq hinaspa kuyayllapaqmi.



10

Tukuy imapas chaypiqa qorimanta ruwasqam tarikun, espejo hinañam kancharichkan. Purinapaq ñanninkunapas qorimanta ruwasqakamam.



11

Diospa trononmantam kancharichkaq mayu lloqsichkan, chay mayupa iskay lawnin patankunapim kawsay qokuq sacha tarikun, chay sachaga Edén huertapim puntata tarikurqa.




12

Chay sachaga manam wakin sachakuna hinachu: Chay sachaga watapin chunka iskayniyuq clase rurukunata rurun, sapa killa huk clase rurutakama. Chay sachapa llaqenkunam nacionkuna llaqa onqoyninmanta hampisqa kananpaq hampi.




13

Hanaq pachaqa kancharisqa kananpaqqa manañam intitapas nitaq killatapas nesitanñachu, aswanqa Diosllañam tukuy atiyinwan suma sumaqta kancharin, chaypiqa tutapas manañam kanchu.



14


Hanaq pachapiqa purun animalkunapas manam manchachikunñachu, aswanqa kuyayllapaq mansochakunañam. Atoqkunapas uña chitachakunawan kuskam pastotaña mikunku. Leonkunapas vacakunawan kuskam pastotaña mikunku. Señormi nin: "Yachanaypiqa manañam pipas waqtanpi kaqtaqa mikunqañachu nitaq dañotapas ruwanqañachu" nispan.



15

Sumaqta qawariptinchikqa, hanaq pachapiqa manam lliwchu imapas tarikunqa. Arí, chaypiqa manañam piñakuspa mana allin rimaykunaqa uyarikunqachu,


manataqmi pipas kkillanpaq munaspaqa piwanpas peleanqañachu.



16


Punkukunapaqpas manam pipas llaveñaqa apanqachu, chaypiqa manañam suwapas kanchu. Chaymanqa llullakunapas, wañuchiqkunapas, layqakunapas, ni ima mana allin ruwaqpas manam yaykunqachu.

Chaypiqa manañam pipas huchataqa ruwanqañachu.



17

Hanaq pachapiqa manañam waqay-llakiypas kangañachu. Kay pachapiqa Diospa churinkunapas waqanchikmi, hanaq pachapiqa Diosñam weqenchikta pichaykunqa.



18